



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

§. 4. Admiranda ditionis Pontificiæ.

urn:nbn:de:hbz:466:1-13120

pedum latitudinis; h̄ic si flammam admoueris accendetur terra, & tantum excitabitur incendium, vt ligna etiam viridantia deflagent. Extingues facilē si igni pannum superinieceris. *Leander in Romanula.*

Ad vicum Petramalam in eādem Romanulâ Florentinâ antrum perpetuâflammâ æstuat. H̄ic quoque non procul à viâ quæ Florentiâ dicit Mutinam vicus dictus Baragazza, vbi collis, in cuius summâ planicie fumus interdiu, noctu etiam scintillæ emicant. *Leander in Romanula.*

§. 4. Admiranda ditionis Pontificiæ.

Aqva Tiberinæ infra urbem haustæ ad aliquot annos purissimæ, & suauissimæ conseruantur. Causam aliqui refundunt in Anienem, qui Sulphuratam fluuiolum ebbit, & secum nitratas aquas defert. *Quot Romani totidem testes.*

Non procul ab Albano aliquot monumenta visuntur magnâ ex parte collapsa. Alexandro autem V III. Pontifice in quodam ex iis sepulchris repertum est cadauer puellæ mirabili liquore cōditum, eique propemodum innatans, incorruptum, capillo flavo & promisso, capite aureâ coronâ redimito. Ad pedes eius ardebat lucerna quæ aperto monumento repente defecit. Ut constitit ex litteris incisis, iam ab annis mille trecentis hoc cadauer inclusum erat. Oblatum est Conseruatoribus urbis; quia integrum, miraculi loco, & aliquot diebus in Capitolio seruatum; sed Pontifex id curauit abiiciendum in Tiberim. Quidam crediderunt fuisse cadauer Tulliolæ filiæ Ciceronis, quam pater impensiùs amauit, sed nullâ ratione coniectura nitiebatur. *Volaterranus, & Ioannes Garzus Bononiensis Leandri preceptor.*

In Sylvis Antiis fons exiguis inter ingentes ædificiorum ruinas iacet, cuius aquis gustatis illico volucres mortuæ concidunt. *Blondus testis ævorum.*

Non procul ab Anagniâ fons Tofanus dictus hyeme, lacu Funico, seu Celano, congelato siccatur, at autumno, vere, & æstate redundat: quare peritiores credunt cum originem ducre à prædicto lacu; ideoque cum hic congelatus est aut nulla, aut paucas eidem fluuiu aquas sufficere. *Blondus & Leander Albertus.*

Ex Tiburtino, & Gabio lapide magna pars olim ædificiorum Romæ constructa est, & nunc conficitur, terrâ subinde nouam fuggerente materiam. *Blondus, Volaterranus, Leander, &c.*

In viâ quâ Tibure Romam itur candentes generantur lapilli, dulciariis condituri simillimi, velut Amygdalarum, Coriandri, Anisi, &c. Sunt autem ad eò similes veris dulciariis, ut non nisi à peritis indigenis internoscantur; vnde periœcum nominantur Tiburtina Tragemata, dragées de Tinoli. *Leander Albertus in Latio.*

In agro Terracinensi fons erat aliâs aquæ pestiferæ *Anxur* appellatus, quem ideo indigenæ obturauit ne hominibus, & animalibus exitium afferret. *Boccatus libro de Fontibus.*

In fundo Vulsinij lacus visuntur adhuc vestigia pedum S. Christinæ, ex quo pro Christi fide, in eum præcipitata est. *Leander Albertus in Tuscia.*

In vrbe Bolsenâ cernuntur lapides tincti sanguine hostiæ, qui defluxit cum de veritate Christi corporis Sacerdos mysteria peragens dubitaret. Corporalia autem, & reliqua sacrificantis instrumenta, eodem tincta sanguine seruantur Vrbeueti Ornietæ. *Idem Leander loco citato.*

Beata Catharina colitur in vrbe Monte-Falco in Umbriâ, vnde oriunda erat, cuius in corde omnia passionis instrumenta mirabiliter impressa sunt. Inuenti sunt, & in eius præcordiis tres lapilli, qui inter se compositi, si duo appendantur in lance non præponderabunt vni; quibus indicari volunt augustinissimum S. Triadis mysterium. Hoc tamen postremum de lapillis negant testes omnibus exceptione maiores. *Volaterranus, Blondus, Leander.*

Circa lacum Reatinum ligna passim in agris visuntur lapideo obducta cortice. Certè narrant accolæ lignum defixum in hoc lacu intra paucos dies lapideo cingulo circumcingi. Fidem etiam facit huic portento, quod saxum per quod exoneratur lacus ille, ita excrescat aliquando, ut id ferro repurgare necesse sit, ne per vicina loca lacus ipse, Velintisque fluuius superstagnent. *Leander Albertus ipse auctoritas.*

In lacu Pedelucensi, de Pedeluco, quidquid defixeris intra paucos dies obducitur lapideo cortice. Ex eo autem lacu perpetua semper existit nebula; quare è subiectâ valle respicientibus perpetua appetet Iris. *Leander in sua Umbriâ.*

Nursinus lacus, Lago di Norcia, imprimis memorabilis est apud Ita.

Italos; huic vulgo dæmones innatare credunt indigenæ, quoniam hinc aquæ perpetuis motibus subsilire vicissimque subsidere cernuntur cum ingenti spectantium admiratione. Ferunt etiam dæmonas hinc interrogantibus responsa dare, & optatas diuitias, honores, atque voluptates iis concedere à quibus per magicas euocationes accersit. Quare in eo loco solent Magiæ dediti liberos suos consecrare dæmoni, unde contingunt maximæ tempestates, quæ totam deuastant regionem; quas ut impediant accolæ solent per vices hinc custodias agere, quæ sacra illa & profanas consecrationes inhibeant. Alij tamen probabiliter motum huius aquæ refundunt in ventos per angustias montium feso insinuantes. *Fa-*
cetus lib. 3. Canticum 1. & Rassanus apud Leandrum in Piceno.

Ibidein spelunca, quæ cauerna Sibyllæ nominatur, ubi dicitur Maga quædam possidere regnum magnificis ædibus, atque basilicis distinctum, in quibus innumeræ versentur gentes, quæ in omnium libidinum genera volutentur; & noctu quidem omnes loci huius accolæs vna cum Sibyllâ mutari in Dracones terribiles, quibuscum turpiter misceri debent, qui intro admitti volunt, nec intra annum ex iis querquam contra voluntatem retineri, nisi quod vnum omnino ex eorum numero qui tum recepti sunt manere oporteat. Reversis autem exinde Sibyllam magna munera, & prærogatiwas singulis clargiti, eosque felicissimo deinceps vita cursu perfici. Auctor tamen ait se multos agnouisse qui afferant hæc à se visa, & experientia comprobata, cæterum totâ vitâ calamitosissimos extitisse, & longè infeliori obitu è viuis raptos esse.

Rassanus apud Leandrum in Piceno.

Ad Narniam in Umbriâ Fontes adeo salutares, ut qui eos adeunt ab omnibus morbis, & malis liberari videantur; quare miro concursu celebrantur. *Leander Albertus in Umbria.*

Non procul inde fons qui *Famis* appellatur, nec enim prorumpere solet, nisi cum annus proximus grauem & difficilem annonam habiturus est: quod potissimum obseruatum anno 1505. calamitoso Italæ maximè, & indomitâ fame oppresso. *Idem Leander, ibidem.*

Item ad Narniam terra siccitate in lutum, pluviâ in puluerem vertitur. *Idem Leander in Umbria.*

Ad Cæsenam, ubi olim arx erat, statæ dicula, cuius è fastigio frustum porcinæ carnis salitæ pendet, ex quo pars videtur esse pre-

Parall. Geogr. Tom. II.

QQQqqq

cisa. Ait ciuitas vniuersa hic suspensum frustum in honorem S. Petri Martyris, qui cum hic edificaret monasterium S. Dominici, & eleemosynæ nomine accepisset hoc frustum, exinde partes decimas operis distribuit, & tandi iis alendis suffecit, donec absoluueretur opus. *Leander Albertus in Romanula.*

Bononiae seruatur corpus B. Catharinæ de Regri, quæ aliter Bononiensis appellatur ex ordine S. Claræ. Sedet illa in Cathedrâ incorrupta planè, & eius vngues singulis mensibus resecantur, quotannis capilli, multis præsentibus. *Jacobus Graffetus Soc. Iesu, in huius Beate vitâ, & omnes Bononienses.*

In agro Bononiensi nascitur lapis, inde Bononiensis dictus, qui oppositus Soli lucem eius recipit & seruat aliquo tempore, quod deprehenditur si in obscurum deferatur locum; hic enim ad instar candelæ lucet. *Ego testis auctoritas.*

Apertis fodinis sub Monte Festino in agro Bononiensi, cum lychni imprudenter terræ admoti essent excitatum incendium, quo operarij multi absumti sunt, plurimi proturbati. *Philippus Clunierius Antiquæ Italie lib. i. cap. 28.*

In eodem agro ad Panarum fluvium puteus oleo petrino manat. *Idem Clunierius eodem loco.*

Rhenus Bononiensis aquas habet saluberrimas, quoniam aquæ fontis Porrestanæ in eum cadunt. *Leander, Baccius, & alij.*

Aquarum Scarpettanorum lutum maceratum, & forinsecus appositum, hominum intestinis doloribus, & torminibus salutem, & remedium adhibet. *Leander in Romanula.*

In agro Bononiensi Balnea Porrestanæ sunt, quorum aquam qui bilit, aut purgatur, aut perit. Repertus est fons iste anno 1375. ab Agricolâ, cuius bos languebat, & grandi macie contabescerat, atque pro desperato relictus erat. Sed dum bos ille liber errat incidit in fontem, in eo sæpius bibit, & largius, ac deinceps melius habuit, demumque omnino sanatus est. *Leander in Romanula, Andreas Baccius, & alij plures.*

Non procul ab his aquis Porrestanis locus est, cuius superficies passim flamas videtur emittere rem accurate notantibus: præterea faciliter ex filice huius agri flamas excutere est. Ignem etiam concipiet terra si facem admoueris, ubi verò restinctum fuerit incendium, ut prius gramen, herbæisque proferet. *Leander Albertus in Romanula.*